



敬頌野乘一集卷十

梁溪鄒

漪流綺甫纂

賀文忠傳

附尹如翁等



公名逢聖字克繇號對揚楚江夏人也父亨陽先生
潛心理學所著有思聰錄人模樣等書公為諸生受
知督學鄒公廸光竇公子偁而熊公尙文尤奇公與
熊大司馬廷弼並見賞愛或問二公才優劣答曰賀
生夏朝商璉也熊生干將莫邪也後其言竟不爽司
馬領解額公不舉督學召公執手欷歔請公自為三

年膏火計公毅朕起立曰某卽倖雋不敢負生平竿牘戒况不幸乎若少分師橐中俸金則不敢不拜督學益歎服割五十金以贈癸卯遂捷賢書屢上春官不利謁選署應城論刻苦廉儉以作人爲已任後罷相歸嘗語人吾敷歷清華至入政事堂平章軍國無一事足報大官者惟寒擅七載實心實事庶幾免素殮譏耳丙辰登進士殿試第二人除編修壬戌分試得華吏部允誠輩若干人公居鄉與熊大司馬頗不合至是遠撫王化貞棄遼東袒化貞者反罪司馬楚

紳梅公之煥滿公朝薦白司馬寃疑公意有異回公薨朕曰今日事詎以小嫌介意公揭具草請以屬某遂援毫千言淋漓感慨不避權倖而司馬已不可救矣會楊忠烈公以劾忠賢故下獄拷死忠賢遂切齒楚人旣并殺熊司馬斥逐楚材無虛日猶慕公清望好語公各省直建立生祠惟貴鄉湖廣實無功德公對此地方官事非其所敢知璫又言聞上梁文出大手筆何言不知公正色曰此借銜俗例耳璫默然遂借南畿主試之推削公籍璫敗始起補南京祭酒尋

晉少詹協理府事丁父憂服闋起原官歷少宗伯少
宰大宗伯丙子入內閣公務絕党比存大體密勿劾
忠不敢告人如救黃宮詹道周薦謝尚書陞輿論允
愜致政歸益恬淡韜晦布衣草屨卒然遇之不知其
爲仕籍中人未踰年天子遣官存問又一年再召
六中書時他應召者盛賓客擁輜重舳舻相望郡邑
延頸望風伏謁道左筐篚纍纍一宴費數百金山珍
海錯爭奇競勝門生幕客招搖相望公刺一敝舟揚
帆徑渡闕津之吏欲物色江夏相公舟不可得已知

其魚服去且久爭噴噴歎異上頗廉得其狀故益

心向公然公見時事不可爲又與同官金谿不合亟
以去請屢旨慰留竟不可強乃各便殿宴錢公感恩
悲泣伏地幾不能起上亦惻然動容同官陳演大
呼日逢聖有罪不可引動天淚公掩涕叩頭謝恩起
旣而特賜冠履坐蟒衣一襲遣官護送回籍未幾賊
破蘄又破黃烽火連鄂城公以死守勸當事其門人
大治尹如翁心憂公特馳三百里往謁挾一僧帽一
袈裟微諷之公以見危授命對賊旣入城公服御賜

冠履蟒衣詣楚王府將奉王同死至則藩府爲賊獻
竊據王已不知所在公遂見執欲親見獻賊噴血罵
之不可得乃整衣冠北向五叩頭畢投緇陽橋下同
日一品危夫人長子賀觀明死之仲子光明守八分
山墓聞難來奔又死之兩子媳一曾氏一陳氏孫三
人皆死之一僕萱命相依七日竟死之合門就義者
二十餘人公既歿大吏招魂祭葬八閱月而尸始出
面目如生冠纓不絕時王不俱焚不可勝數其死最
烈者則長沙司理蔡公道憲楚長史徐公學願與公

云而尹如翁歸大冶城破被執亦不屈死其父孝廉
珩博學負氣節先避地來吳中與公交最深傳公死
事特詳公死上震悼命禮官優卹未及行南都始
予謚文忠

論曰予交尹右王先生先生每爲余言文忠相業在
公儀休張安世間一死殉國幾與日月爭光或惜其
不及死甲申之難夫顏魯公死希烈不過一身陷賊
臣耳非有稽侍中血段司農笏也龍興寺尺組猶儼
然與燕山齒髮並傳千古何疑于公又聞公生平學

問多出入于神仙浮屠之中○然則公蓋乾坤間氣所
鍾曠代異人也○其與魯公類豈獨一死哉○

劉忠毅傳

公諱熙祚字仲緝號劬思南直武進人也○幼而孤孝
友性植自其舞象露異長益自摩厲中天啟甲子舉
人再試再蹶公曰丈夫貴自植立耳豈必科目不朽
人也○謁選得興寧令多異績最聞擢御史一月疏凡
數上謂一江衣帶外○高皇帝弓劍式憑則請撫軍
移鎮以重其任○謂讀書敦行爲士大夫經濟本則許
表揚張溥以示之式○壬午十月按楚楚事時已入敗
局○公至力爲整頓與左良玉握手歔歔勉以忠義將

士聞而泣下。癸未正月，荆承報陷撫道縣鎮，或死或
執。公撫膺泣曰：時勢至此，尚可為哉！門庭既失，堂與
必危，倘不能挈湖南一塊土還之朝廷，唯死生以之。
耳。爰泣誓文武，灑酒揮戈，率寥寥千餘旅，嚴守江渚。
移檄沅鄖兩撫，聯絡形勢，稍壯聲援。二月，巡岳復開
岷、藩之變，湖南一帶嘗武衡柱在在烽起。公親調諸
將，分路堵截，斬獲無算。時獻賊破黃岡，據武昌。至五
月，陷省城。楚藩嬰禍，公聞報，撫枕嘔血，聲淚俱下。力
疾至長沙，以圖恢復。分撥諸將拒守險要，為岳州援。

詎蒲圻嘉魚等處奸民望風迎款。八月五日，岳州復
陷。賊既得岳，所謂洞庭之險與我共之。于湖南一帶
如數節而後迎刃解矣。二十五日，大舉寇長沙。公督
水寨奮勇格殺，不意陸兵先潰。賊遂長驅，公護諸藩
冒死斷後，為賊追縛檻送。獻營公唾賊大罵，賊怒去。
衣引鋸，公罵愈厲。賊復令監守脅降，公志益堅。罵益
甚，賊倒曳公兩足，隨地拖行，血肉狼籍，終不屈。遂害
公于寧鄉神廟。先是，公嘗題詩永陽署壁，曰：倥傯軍
旅已逾年，家室迢遙久。別顏嶺北骷髏驚，作壘湖南

宮殿脩成烟。鶻血不沾無塚骨。烏啼偏集有狐田。死
生遲速皆前定。堅此丹心映楚天。故園隔別又經年。
今顏非復昔時顏。山川草木皆含淚。貔虎旌旗盡作
烟。老婦漫勞尋蝶夢。兒孫切莫種書田。萇弘化碧非
奇事。留取孤忠向九天。又絕句一長聯。五慷慨激烈。
與正氣歌並傳。云南都贈公太常寺卿諡忠毅蔭子
予。祭葬祀毗陵四忠祠。公子名晉蕃。舉孝廉。負氣節。
威稱有父風云。
論曰。公無守土之責。似可無死。乃以護諸藩。故躬血

戰卒。隕身忠。藩是忠。烈皇帝也。或猶疑公何不蚤
自引決。至受賊蹂躪者。不知正以就義從容。徵公百
鍊鋼耳。嗚呼。零丁洋裡。燕市樓中。固足爲文信國訾
哉。

蔡忠烈傳

公名道憲號江門福建晉江人也中崇禎丁丑進士授長沙府推官清標素著吏畏民懷時獻賊猖獗公勵兵秣馬豫爲之防賊聞之不敢卒犯然公知事不可爲乃作書令其兄歸省日親老矣兄好事之弟與此城俱存亡耳竭力支撐幾及二載癸未八月賊大舉寇長沙鎮將守臣俱棄城走城乃陷公獨挺立爲賊所執百計誘降不屈置小樓中凡念有四日令降將尹先民說之卒不聽罵不絕口賊大怒寸磔之公

從容受戮長嘯一聲風雨驟至頭臚已斷兩瞳子尚
炯炯不瞑賊亦駭愕時爲十一月公年纔二十九越
明年弘光南渡御史黃澍疏其忠烈請與御史劉熙
祚一體優恤熙祚得命旨公不報後贈太僕卿諡忠
烈先是公蒞長沙之明日夢李芾來謁公異之及殉
難人乃知公忠孝之氣通于幽冥神鬼因與李芾合
祀名其祠曰二忠

論曰長沙之陷死最烈者惟公與劉忠毅爲著云顧
考忠毅行實破城在八月二十五日而謝獻菴先生

記江門公死在十一月除小樓二十四日外又何遙
隔也謝曰知先生事者蓋鮮故急爲表出之且係以
詩曰大厦原非一木檟荔椒空自哭先生狼烟已誓
忠臣死魚素先申孝子情柴市從容天地淚常山刀
鋸古今名不知三載官衙夢冥漠初能鑒至誠謝公
畱心忠孝如此則考先生死期必確矣謝名良琦粵
西人舉孝廉歷仕有賢能聲蓋博雅君子也

呂忠節傳

公諱維祺字介孺號豫石河南新安人也生時有夢
月入懷之祥性孝友尤忠鯁清介不同流俗論者比
之峩峩千丈松萬曆壬子癸丑聯舉鄉會初授兗州
司李冰雪自矢發奸摘伏如神然立意慈恕人稱平
反丙辰大饑公躬自賑濟全活以數萬計復力行保
甲法後蓮妖變起兗城卒賴以全魯人肖像祀焉乙
卯戊午兩入省闈所拔多翹楚已未以卓異徵入爲
吏部郎請託餽遺概謝却無所徇庚申光皇帝崩

廷臣欲請見新君。中官堅阻。公排闥直入。慈慶宮尋
聞。上幸小南城。公約臺省諸臣力止之。隨疏請早
正位。略云。殿下一身。是天地人民之主。起居宜慎。聞
誰翼護。飲食宜節。問誰問視。左右不得嘻笑于旁。問
誰釐蕭。侍御不得雜進於前。問誰防閑。閣部大臣輪
番入直。宜于宮門近地。日同。孫道等官朝夕問慰。凡
所以開心定志。杜漸防微者。無所不至。至於殿下尤
宜不時召見。商量大禮。顧問政事。親近內侍。急擇老
成忠謹數人。各以姓名達之。中外無不曉然共知。以重
厥任。不得于預政事。紊亂。祖宗成法。人服其有先
見。有某要人請問。公正色拒之。曰。彼招不來。麾不去
者。何人哉。卽南樂故公座師。亦投書不啓也。甲子告
歸。山居數年。究心伊雒性命之學。與馮恭定公善。恭
定每稱公爲明道後一人。作石隱傳。矢不出仕。有同
籍諷之起者。公荅書有士守道猶女守身之語。會天
中建逆祠。發募簿。勒令鄉紳助工。公曰。如此。士風掃
地矣。卒不與。璫深啗之。因嗾某御史。詆公講學。尋矯
旨考察吏部。意在公也。將中以危法會。熹廟崩中。

寢戊辰言官交薦起尚寶卿改太常少尋遷正卿公
作感遇詩毅然以天下爲已任已已上敬陳堯舜之
道及保泰防微八事兩疏皆關切君德時政之大者
上嘉納之會南庾如洗廷議非負經濟才者不可
任僉推公行上目送久之已而召對問曰此人何
可使之南其見知於上如此而忌者耽耽矣公清
操冷面三年東南晏然所積蓄節省以三十萬計識
者謂有社稷功時上內遣監視四出公曰書訓在
初易戒履霜其

臣不便滋多耕奴織婢各有司存履霜堅冰漸不可
長臣所可惜者朝廷紀綱之體而所當辨者治亂消
長之機陞南京兵部尚書乙亥賊自汝寧來走鳳陽
犯皇陵折而西陷巢廬江一支北出陷潁州公遣都
督趙世臣以兵三百人守關山潰走烏衣南京大震
廷議多咎公遂以考察致仕家居辛巳賊陷維陽公
被執大罵以死贈太子少保廕一子南京予謚忠節
公性剛嚴介特學有淵源尤明于義利是非之辨而
經濟湛深故事州縣徵糧急北緩南又浙西蘇松例

以南糧派之宦戶始不遇利其地近費輕而後乃有
豪僕包攬積逋五六年不上納及私收折色乾沒入
已者行州縣提解率以空文具覆甚有虛起批支報
完或已解府司復那借別用至十餘年即批不掣州
縣官既視南糧爲不急之務而自神宗末年以來
邊事告急戶部疏請借支南部本折銀米至二百六
十四萬有奇于是南倉入少出多以至官軍俸糧有
欠至一年未給者先已呼譟辱司官矣公乃悉心籌
畫先疏湖廣原留黔餉一十二萬石歸之南部復條

奏振刷十事及請開爐鑄錢舊例糧米或交倉或交
場各有主事監之倉則三篩三曬而場不曬以給軍
士謂之水兌故倉耗加一場耗加一二五公示各解戶
有當交倉願收場者聽仍薄其耗以勸之而又以囤
基不足命于空倉隨便收納即准水兌每年得耗數
萬石以佐軍糧之乏而錢故有夾鑄之弊每爐加私
銅數十斤官與匠分之公命繕廠垣嚴巡察申薄小
錢之禁而謂速鑄則利在官遲則夾鑄多而利在下
舊三十日一鑄公改十五日一鑄連放鹽米共十八

日凡兩月三鑄停爐之日必盡放匠役出之鑄速而私錢少時為手教告十三司及各差取錢糧解支數自寫一簿而自銷之不入吏胥之手嘗曰昔人有言人至察則無徒第思國家多故君父焦勞為臣子者豈能自己公之憂國奉公如此

論曰予聞公篤行似呂涇野清介似孟我疆風節似楊斛山經濟似劉忠宣忠義似李若水而予竊謂公學術上尊孔孟下守濂洛殆一代慥慥大儒如公顧可得哉

郝太僕傳

附子鳴鸞等

公諱景春字和滿南直江都人也。中萬曆壬子舉人。辛未就教益城。益令貪且虐。又歲飢。民洶洶。是亂。公多方解釋。得散去。尋罷歸。移陝西苑馬寺萬安監。錄事遷黃州。照磨署篆黃安。甫二日而賊掩至。公誓以身與城存亡。鼓勵士民登陴擊賊。凡戰守八日夜。賊遁去。戊寅陞房縣知縣。時總督熊文燦招九營大寇。交斥鄭屬。而羅汝才白貴。黑雲祥三營。令馬入房。逼據西關。公知事不可為。與主簿朱邦聞遊擊楊道選。

內修守具外定盟書苟安旦夕已卯五月張獻忠突
入房蓋獻忠已破殺城縣令阮之錕死遂與勝鼓行
而西而新插三營羣起嚮應城中兵羸餉缺心此書
寸紙遣人緝城出求救不報獻忠逼讓城公曰頭
可斷城不可讓也賊益攻公發砲殲賊賊以棺覆首
四面環圍守門指揮張三錫為內應城陷遊擊楊道
選巷戰死公被執勸降不從命拽出斬之子生員鳴
鸞抱父尸哭罵賊復手刃僕陳宜亦被殺主簿朱邦
聞與其家人俱不屈死事聞贈公太僕寺卿鳴鸞與

陳宜俱補祀

論曰公之節烈矣死忠死孝日月光昭而予所深恨
者當時督撫大吏明知疆事必壞而今日曰招明日
曰撫卒至流毒宗社不可收拾宜乎按臣某云可勦
之機會與能勦之物力俱撫裏挫過良可嘆也昔宋
河中權府事郝仲連與金人力戰外援不至城陷時
與其子致厚俱不屈而死公豈其後身耶至若邑簿
守將寧與令君同日而死不與叛逆同日而生豈非
皆不二心之臣哉

徐僕少傳

附子學標

公諱淳字中明嘉興人兵部侍郎贈尚書必達家子也尚書偉望碩儒為時名德公胚胎前光沈浸經史食息濡染不離典訓長不滿六尺退然如不勝衣耐勞苦甘淡薄布衣蔬食如單門素士兼通象緯數學叅同悟真家言博塞秘戲無不精曉孝友順祥內明外柔戊午以春秋薦於鄉累試南宮不第遂赴選署永嘉縣教諭修學宮闢講堂劉香餘孽出沒海上建關隘絕勾引既越底寧方畧多自公出除重慶府推

官居官計口食俸禁誅求省厨傳督師徵餉萬斛過
五日以尚方從事括倉穀餽舟船喟嗟立辦民不告
病督兵勦盜簡諸酋水陸並進示乃相啣歸師過峽
班馬之聲蕭然滿考當內否蜀人疾公強直中沮之
遂改隨州知州時獻闖二賊方熾隨爲兵衝公將行
戒其子肇森肇樑曰賊驟突襄鄧及隨隨三破之餘
然對之肩背也守隨所以衛陵寢樑也行扞牧圉以
佐守森也居斥家財以益軍吾必死於此矣十三年
月蒞隨朝國人而誓戒之歎血於闕壯繆廟要以

必死脩城濬濠拓羊馬壙抽壯勇屯礮石卹飢寒
賑糶府庫匱乏則捐家財給之隨大荒士就食粥廠
公曰可使士以飢餓失禮乎分粟以賑士皆感泣潰
兵過隨索餉鐸鉦震地公援兵登陴單衣入其營執
帥手曰軍不供給守之過也殺守足矣無已則械守
以見於督師監紀乎帥氣奪歛衆去民得無擾咸有
固志公乃繕南城譙樓寢處其下慨然謂僚屬曰身
與公等枕戈待敵以此樓爲歿所矣明年四月賊陷
襄陽躡德安購獲細作夏遮斬捕賊知有備棄疾於

我○悉○衆○力○攻○公○三○走○使○至○郢○告○急○巡○道○趙○某○抵○章○於○
地○弗○顧○巡○撫○發○一○遊○擊○率○兵○援○隨○趙○勒○之○守○郢○留○弗○
遣○公○不○食○二○日○不○解○甲○五○日○再○盟○于○壯○繆○大○臨○以○告○
哀○二○十○五○日○賊○急○攻○南○城○潛○師○八○道○隳○北○城○以○入○公○
遣○肇○樑○埋○印○州○署○解○後○東○墻○下○勒○馬○巷○戰○矢○貫○於○頤○
刀○屬○於○頰○眼○鼻○橫○斷○墮○馬○左○手○掣○佩○刃○右○手○握○印○廂○
鍍○悅○銜○于○袖○賊○拽○之○不○得○鉞○刀○交○下○陷○胸○斷○股○而○處○
肇○樑○趨○至○拊○尸○頓○踊○哭○且○罵○賊○驅○至○老○營○殺○之○頭○處○
及○呼○州○人○告○以○埋○印○處○妾○趙○氏○王○氏○滅○獲○廿○八○人○皆○

死○賊○驅○趙○出○不○可○先○殺○其○所○抱○幼○女○申○始○斷○其○八○指○
罵○盆○厲○賊○刃○之○推○上○石○碎○顱○而○死○公○死○之○三○日○吳○人○
石○琳○求○得○其○屍○斂○之○趙○氏○屍○與○申○始○相○抱○不○解○胸○着○
布○囊○函○金○剛○經○三○寸○許○遂○并○棺○以○斂○而○肇○樑○屍○卒○不○
可○得○巡○道○以○阻○援○自○諱○欲○沒○公○死○事○狀○荆○西○道○力○持○
之○楚○撫○按○乃○上○其○事○肇○森○亦○詣○闕○陳○請○天○子○贈○公○太○
僕○少○卿○賜○祠○祭○葬○廕○一○子○入○監○肇○樑○祠○祭○隨○嘉○二○祠○
論○曰○公○守○隨○之○事○與○睢○陽○異○睢○陽○江○淮○之○前○障○也○後○
雍○而○扼○睢○則○可○以○通○南○北○隨○承○天○之○後○翼○也○越○隨○而○

保郢則無以蔽陵寢。捐必死之身，委必破之城，俾其專力致死。陷隨之後，兵鈍氣殫，橫折而去，而陵寢宴然。公志遂矣。後二年，賊再至，漢東無藩籬之限，原廟震驚。然後知公之以死據隨，與南陽之據唯一也。嗚呼！護陵之功，守隨為大。失隨之罪，絕援為大。今賞斬於守死，罰佚于擁兵盜賊滋盛，卒以社稷為殉，豈非謀國之咎哉。

馬太僕傳

附黎山慧等

公諱如蛟，字騰仲，號訥齋，南直和州人也。生有異徵，弱不好弄。萬曆戊午，魁鄉書。壬戌成進士，與倪公元璐、黃公道周同出。韓太史日續門三賢交誼。比於胞乳，初令山陰，其大者正靡俗，華吏弊小者復地。梁鼎類序取山陰，只鑑湖杯水。所食米悉自和輦致。凡歷道路千三百里，見者咸驚異之。曰：嗟乎！使君清至此哉。戊辰考最，擢入為侍御史。己巳巡按四川，辛未巡漕，以武闈貽累，落職歸。佐其父為德于鄉，賑貧乏歲。

施○樁○至○數○百○人○貸○其○錢○者○多○不○責○償○前○後○焚○券○至○數
百○又○以○為○德○不○務○本○行○譬○之○車○室○不○求○轂○礎○也○故○其
道○必○先○聚○族○聚○族○所○以○尊○祖○乃○立○祖○廟○因○而○教○養○之
耕○者○予○田○讀○者○予○塾○生○者○予○聚○死○者○予○藏○和○人○歸○義
以○為○范○文○正○再○見○云○甲○戌○丁○艱○明○年○十○二○月○二○十○六
日○賊○寇○和○州○時○公○方○在○草○土○起○涕○泣○誓○其○衆○散○家○貲
練○鄉○勇○佐○主○者○櫻○城○固○守○越○日○賊○騎○遶○圍○三○匝○頂○門
搭○梯○晝○夜○環○攻○公○用○砲○擊○死○數○百○人○賊○計○窮○將○引○去
忽○颶○風○大○作○將○火○風○吹○散○不○見○守○者○皆○墮○城○遂○陷

公○曰○事○迫○矣○坐○以○待○斃○何○益○乎○急○下○令○相○從○擊○賊
予○百○金○須○臾○得○壯○士○百○人○鼓○勇○巷○戰○良○久○力○屈○奔○水
次○當○可○渡○渡○且○生○矣○公○曰○清○流○湯○湯○不○矧○偷○生○顏○面
卒○力○戰○歿○之○閤○門○自○兄○運○尹○如○虬○生○員○如○虹○及○男○婦
歿○者○十○有○四○人○知○州○黎○弘○慧○學○正○康○正○諫○總○營○周○廷
儒○訓○導○趙○世○選○俱○以○身○殉○事○聞○詔○贈○太○僕○寺○卿○蔭○一
子○為○國○子○生
論○曰○狂○寇○蹂○躪○中○原○紆○青○抱○紫○膏○鋒○刃○者○不○可○勝○計
其○中○固○多○叩○頭○匍○匐○伏○輸○金○求○免○而○卒○見○屠○割○者○矣○豈

皆○鼎○鑊○不○懼○斧○鉞○不○避○者○乎○要○之○亦○論○其○生○平○素○行○
與○臨○難○大○節○耳○如○公○正○言○侃○侃○又○慷○慨○巷○戰○以○歿○可○
不○謂○丈○夫○哉○所○由○與○草○木○同○腐○者○異○矣○

盧光祿傳

公○名○謙○號○芳○菱○南○直○廬○州○人○也○中○萬○曆○甲○辰○進○士○授○
永○豐○知○縣○考○選○爲○御○史○上○匡○時○圖○治○疏○大○要○以○安○民○
練○兵○責○在○守○令○將○帥○而○守○令○將○帥○之○選○責○在○吏○兵○二○
部○探○本○則○歸○重○於○君○身○親○儒○臣○以○講○學○延○大○臣○以○勤○
政○獎○直○臣○以○求○諫○言○多○可○採○甲○寅○奉○勅○視○銀○庫○清○風○
絕○塵○宿○弊○盡○浣○巡○按○真○定○丁○艱○歸○服○除○補○職○督○學○順○
天○黜○浮○華○獎○恬○退○士○風○蔚○起○崇○禎○十○五○年○流○寇○破○廬○
州○官○紳○士○庶○或○避○或○降○時○公○已○在○籍○獨○服○其○命○服○整○

冠束帶危坐宅之中門賊至欲屈抑之坐如故百方
挫折略不爲動公張目厲聲叱曰吾朝廷大僚豈肯
受辱於鼠狗若輩死亡無日尚敢凌侮官長耶罵不
止遂遇害公重廉隅謹然諾平生自禮義廉恥大界
限至於拱揖進趨冠履飲食之節畫線而蹈始終相
較不失毫髮善戲之謔露齒之笑未嘗出口撥衣蹶
足箕踞跛倚之小過未嘗加身其事父母孝處兄弟
恭教子孫寬而有法先德行而後文藝三任一介不
苟取殆天地間完人也公死詔贈光祿寺卿廕子壽

祭葬如例

論曰自黃巾綠林禍起中原數千里桑麻一空鐘鳴
鼎食之家尤被其慘毒此無他銅山金穴旣爲鼠輩
所心豔而攘利專欲漁獵封殖鄉黨切齒久矣論者
以爲出爾反爾有天道焉不盡陽九數也如公居家
廉潔居鄉端厚亦復不免嗚呼此豈未定之天哉

包懷遠傳

公諱文達字行甫其先江夏人以開國靖難北征功
世襲蘇州衛指揮同知父世爵有才畧官未几没漕
事公早孤○然厲志好學年二十襲職在官凡十五年
兩董漕務○輸輓獨先任屯政水陸營克舉其官宜興
桐城遇民變公奉命戡定不撓法不濫誅邑以帖然
乙亥正月流寇犯安慶巡撫張國維命公從征公卽
日整旅治酒延親知語曰受國恩三百年此身亦欲
用之貧官無家曩以營葬積俸十金寄友人篋中歲

計○缺○如○復○取○半○承○匱○窵○無○期○念○此○心○惻○然○自○今○亦○
不○敢○問○矣○入○內○別○母○再○拜○而○出○登○舟○見○朽○甲○鈍○戈○嘆○
息○者○再○既○渡○江○二○月○二○日○賊○警○告○急○國○維○命○公○疾○驅○
至○皖○時○統○兵○官○凡○四○人○有○忌○公○者○獨○令○居○後○資○備○缺○
絕○未○几○督○進○者○羽○若○星○下○既○抵○賊○所○人○馬○饑○疲○擬○爨○
而○前○謀○人○人○殊○偶○得○賊○哨○一○騎○傾○其○橐○出○白○金○若○干○
爭○析○者○方○雜○然○聚○譁○尋○報○賊○零○散○易○襲○躍○馬○爭○出○公○
諫○不○聽○從○之○行○諸○軍○素○苦○諸○弁○腹○削○人○有○離○心○賊○伏○
四○起○遂○鳥○獸○竄○火○器○被○雨○亦○不○效○從○者○引○公○却○公○不○
可○策○馬○奮○進○故○善○射○亟○發○矢○矢○盡○脇○中○流○矢○盡○馬○強○
起○拔○矢○揮○刀○再○戰○援○絕○力○竭○賊○迫○令○卸○甲○降○公○瞋○目○
怒○罵○賊○砍○其○左○臂○斷○首○而○去○笑○且○罵○曰○吾○所○至○風○靡○
吳○兒○何○能○爲○乃○奮○螳○臂○當○我○獨○如○包○某○猶○不○失○爲○一○
將○耳○土○人○悲○公○死○廟○祭○其○地○鄉○賢○士○大○夫○吳○公○默○張○
公○世○偉○輩○咸○爲○文○哭○公○而○諸○生○金○俊○明○紀○其○事○
論○曰○敗○軍○之○將○不○可○語○勇○此○以○論○受○賑○推○轂○爲○三○軍○
司○命○者○可○耳○若○偏○禪○一○劍○進○退○由○人○又○卒○皆○烏○合○衆○
等○連○鷄○欲○獨○爲○班○定○遠○傳○介○子○難○矣○及○其○委○骨○沙○場○

舍喪元之勇責失律之凶死者有知肯瞑目地下哉
予故次包公行事俾傳于後既爲馬革裹屍者勸亦
願世仗鉞專征者毋不講于勞逸主客而輕投壯士
死地也

龔學博傳

附姚允恭等

云諱元祥字子楨南直長洲人也性質直耻驚聞譽
世亦無得而稱崇禎辛未以孝廉謁選得霍山教諭
飲冰茹蘖維持風教獎拔後學士喁喁向風尤與訓
導姚公允恭善姚固明通理學有古人風兩賢相得
益章每聞邸報見內外交訐公輒拊膺嘆曰吾儕幸
處無事之地一旦有急既無兵又無食一歎固分內
事如城社生靈何姚公竦然太息未幾賊寇江北廬
鳳之間岌岌莫保公與邑令經畫捍禦備貲糧整器

械守事粗舉而寇忽長驅至矣邑令解組綬竄去公
率博士居民固守或勸之微服避公毅然曰食祿而
違其難不忠臨危而棄其城不義吾平日所講說者
何事今若此耶設有不測唯有一死以報皇上耳亡
何城陷公整衣冠危坐賊至署公侃侃論以大義賊
不顧逼令屈節公厲聲曰死即死賊狗何敢辱我賊
大怒即執公去索金帛公罵不絕口死之子炳衡同
婢冬女遇害公死越五日頸血成碧鬚皆間猶怒色
未解以右手食指拍心甲入寸許姚公泣殮隨俱

殉適邑令某過從解免踰日賊復至姚公亦死之公
嘗語門人曰職無大小皆可效忠人亦圖所以報國
家利生民耳又嘗語季子曰人生當為忠臣義士形
軀有盡性靈不朽蓋其忠孝性生激昂自許如此
論曰常山睢陽齒芬千古彼皆膺城社人民之寄即
欲自解免無從也區區博士弟子師從容擁皋比是
其職耳豈復責以緩急存亡視死如歸哉公既身殉
危邑其子死之其婢死之其友之同官姚先生又死
之然初解姚先生于死者乃膺城社人民寄之令也

青○氊○一○席○囊○空○如○洗○不○難○以○棄○身○致○命○若○令○卽○
欲○慷○慨○捐○軀○奈○如○山○之○索○何○然○觀○公○語○季○子○及○門○人○
語○則○其○盡○瘁○之○志○已○久○定○矣○豈○以○寒○官○著○節○哉○彼○不○
灰○者○雖○青○氊○一○席○猶○不○灰○也○

龐固原傳

附王端冕

公諱瑜字堅白湖廣公安人也由貢生選京山教崇
積七年陞崇信知縣縣故無城垣壘皆圯兵旱遺黎
僅百餘口公至力爲撫字民有起色知賊必至流涕
大言誓以死報國未幾賊果薄城公解綬命僕走報
上臺尋城陷公端坐公堂不動賊摔之下命跪公揮
拳罵曰吾待死久矣若今速殺我何敢辱天下士也
賊怒以刃脅公公益罵賊掠城中無所得執公至野
殺之剖心裂屍而去邑某官朱洪道亦死公固善讀

易○精○爻○象○未○之○官○日○筮○得○如○之○革○驚○日○吾○其○沒○於○西○
乎○過○辭○御○史○毛○公○羽○健○毛○公○贈○之○帶○勉○以○大○節○公○慷○
慨○自○許○道○遇○賊○掠○其○裝○公○手○攘○帶○與○賊○爭○以○爲○他○資○
皆○若○有○帶○故○人○贈○不○可○得○也○賊○卒○嘆○服○遺○帶○而○去○則○
其○壯○心○雄○畧○蓋○定○之○有○素○云○事○聞○詔○贈○固○原○知○州○命○
有○司○立○祠○致○祭○同○邑○又○有○王○端○冕○由○孝○廉○知○趙○州○會○
北○兵○攻○城○端○冕○治○火○藥○飭○睥○睨○率○吏○民○露○宿○風○餐○死○
守○城○上○已○而○城○陷○被○執○北○帥○欲○官○之○端○冕○不○屈○遂○縛○
諸○樹○射○死○

論○曰○昔○人○云○吏○以○愛○民○爲○忠○若○兩○公○之○振○其○神○明○不○
朝○夕○而○布○猷○以○易○殄○瘁○可○不○謂○循○良○者○與○兩○公○不○死○
且○以○中○牟○密○縣○顯○矣○雖○然○兩○公○以○中○牟○密○縣○顯○曷○若○
以○睢○陽○常○山○顯○哉○

尹知州傳

附何燮倪可大韓光祖等

公名夢鰲雲南人舉人官潁州守有惠政崇禎乙亥正月十一日流寇攻城公率民兵登城守禦十二日寇掘城脚傾陷數丈百姓見勢不支咸奔避公長跪求百姓固守百姓不從竟趨下四散公獨持大刀當城傾壞處賊緣城而上公揮刀殺十六七人賊大隊畢登公四顧竟無一人共事者卽投烏龍潭淹死時有同守縣丞某及訓導倪可大俱死而亳州知州何燮被執不屈爲賊寸磔奇城鄉宦胡守恒由進士爲

翰林院簡討守城遇害又有本州諸生韓光祖被賊
執去賊以刃脅光祖光祖抗言生平讀書止知節義
城破身亡誓不偷生賊怒斷喉碎屍殺之妻武氏投
火死媳李氏及一妹與一女共投于井子妻李氏遭
賊割腹空胎受禍最慘次子定策孫日曦身被數鎗
罵賊死而援勦守備王希韓轉戰深入被獲見殺
論曰尹公有民社之責即不死賊當死法等死耳曷
若死賊之爲烈烈乎至丞簿以下生雖舍而仁成位
則甲而品峻矣

樊副使傳

附許文岐等

公名維城號紫蓋黃岡人父玉衡爲給諫以建言國
本遣戍公幼習家訓忠孝自矢中萬曆己未進士除
海鹽知縣歷遷至福建副使崇禎初嘗上疏略言先
朝吉祥之反黨羽止一曹欽而忠賢則親侄襲三爵
假子徧金吾况私養甲士近有萬人外不立名於樞
密內非屬籍於團營都中橫行鮮衣怒馬一旦用其
敵國之富誘其敢死之士將有昔日夜火長安門之
變請皇上著其罪而早戮之又言楊漣萬璟諸臣宜

分別優卹而正人君子如賀逢聖梅之煥錢謙益錢士升姜曰廣陳子壯等人才可惜應卽起用又再疏言崔呈秀盜名器於娼妾罪一寄兵權於胞弟罪二竊制科於乳臭罪三况其撥置忠賢盜內帑殺名賢種種罪惡神人共憤尚宜剖棺斬尸而弟凝秀子鐸當坐以叛逆與蕭惟中共伏市斬至田吉田爾耕吳淳夫張體乾楊寰孫雲鶴高守謙許顯純等皆應正法疏入中外稱快癸未賊張獻忠破黃岡公被執大罵不屈死之是時全楚淪陷與公先後同死者又有

督糧道叅政許公文岐爲賊所執求死不得瞥見從賊衆多繫黃麻密告以忠義暗約從中擊賊以柳圈爲號適爲逆矜王固懷泄其事遂被害臨刑嘆曰吾所以旦夕不死者正爲此耳今旣無成天也含笑而卒巡撫都御史宋公一鶴承天破標下有願負公出奔者公堅持不肯卒自刎歿楚府左長史徐公學顏與賊格鬪左臂斷右手尚持刀不仆爲賊支解合門殉難二十餘人與都留守沈壽崇都司朱士鼎罵賊不屈賊剖其腹斷手而死教諭蕭頌聖自殺經歷汪

文熙巡檢戴良瑄僧會司某及武昌通判李毓英武昌知縣鄒逢吉嘉魚知縣王良鑑皆歿而黃州貢生馮雲路力學著書兼精禪理徵辟不就賊慕其名強欲起之抗言不屈與其門人諸生汪延陞俱死黃岡諸生易爲瑚亦死爲瑚卽爲璉弟也爲璉與父道暹先殉賊難另有傳

論曰漢諸葛豐非真君子然予嘗讀其書云夫以布衣之士尚有刎頸之交今四海之大曾無仗節死義之臣痛哉斯言千古大恨集此矣何三湘七澤間死

者若是多也勁節崇標人無異議而世多以疆一守字苛求宋公若某某輩夫獨無封疆責乎何以不歿也全楚淪陷歿者寥寥尚持刻論已屬不公若自近來觀之得一能歿者便與睢陽平原比烈可耳恐復抹却乎宜乎巡方黃仲霖先生請卹有云一鶴封疆之臣也歿自應耳顧使一鶴死而泯泯無聞何以處天城陷而撫臣不死者洵確論云

劉鄢陵傳

公名振之字而強號冰壺慈谿人曾祖父及兄俱爲名臣公弱冠補諸生庚午鄉薦出黃公道周門公生平留心聖學事繼母毛有古孝行先世素爲廉吏一簞一瓢泊如也三上公車不售因愛東陽山水遂受教諭至縣卽與諸生更始以實學相督課未幾陞鄢陵知縣因言東陽士風日惡不久將變起公甫去而難作人服其有先見治鄢陵以恤民爲務時流寇充斥軍士過邑索糧者迫縣宰萬狀至縛之去父老啼

號奔救。斂貲以犒。始釋歸邑。中有通賊者。言城小不
支。降之。便公正色叱之。城陷。公謁先聖。秉笏坐堂上。
賊至。索印。公不與。賊縛公置雪中。三日。公猶罵不絕
口。賊斫之十餘刀。竟死。事聞于朝。贈太僕少卿。黃公
道周。額其門曰忠孝。大儒公自己未歲。書片楮藏之。
笥中。每歲却紙護之。至是家人啟其封。則不貪財。不
好色。不惜死。三語也。卒年五十有六。
論曰。人惟財色二事。孽障纏綿。一當生死關頭。便有
許多繫戀。觀公藏笥格言。直所謂看得破。跳得過者
矣。無慾則剛直其然乎。

鄧總兵傳

公名祖禹字又玄湖廣蘄水人也性奸俠家蕩盡不
屑俛首授經遂習騎射中萬曆四十七年武進士北
事告急瀋陽守備缺公當選職方利不與公擊案曰
此死地也馬革裹屍吾志已久豈敢避乎請勿利卒
就選未幾清兵次瀋陽尋次遼陽公據鞍上馬馳入
陣多格殺中矢墜地將死會夜半乃甦呼城入時公
負矢如蝟創甚遂請告歸御史周宗建薦公大將才
應大用時有忌之者不果尋起宣府守備崇禎三年

京城困申甫全軍皆沒公提兵遇于蘆溝橋公殊死戰勢稍却晉涿州副總兵公屢請召對又入京上書從班行中聲稍厲御史糾之詔下獄久之出以原官備兵辰沅擒苗首飛天王張五保斬首千五百級搗其巢苗平會流賊亂移鎮黃德尋守孝感多斬馘功忽報應城破巡撫檄公往援所携止兵七百名比至寂然甫入城相度賊四面掩至圍公數重公破圍退保西門外顧左右曰吾受國厚恩誼當血戰以報皇上突圍得出幸而不則以死繼之復何言

出遂被執賊素敬公解其縛治酒安上坐且雜拜好曰須公爲我作一主盟公曰朝廷福大諸賊何敢如此賊請之至再公罵愈厲曰若此須換却心肝獻賊怒曰換却汝心肝亦不難也遂呼衆曳出縛大樹上剖心剗肝殺之

論曰公提兵轉戰三奏膚功血浸沙場忠勇固不待言矣吾見國家多事將吏偏裨率輦金謀避邊缺以故職方一官近爲羶徑走之者如趨鶩也如公素志馬革裹尸卒踐其言慷慨以死豈不難哉吾于是嘆

來玉先生知人之哲也

公諱

焦中丞傳

附高企仲等

文

來玉先生知人之哲也

焦中丞傳

附高企仲等
目錄如此

公諱源溥字涵一三原人

林書伯述二十六日佳原傳字涵一三原人同被執贖自去異賊救其在
文解云云 与本书下頁中涵一三原人同被執贖自去異賊救其在
及賊送三原被執贖自去異賊救其在
原傳傳而附其兄原傳及原傳

政所至愛民如子不取屬吏寸絲尺縑甲戌以才望
特擢爲都察院副都御史巡撫大同既蒞任銳意興
除簡軍實修馬政築城壘謹斥堠慎擇將領以忠勇
勤爲上毋取恢然者曰猶之相馬不舉肥也亡何中
蜚語歸公喜曰吾生平不去心者道義知己各勝山
水耳今而後寧復匏瓜乎里居杜門却掃手不削干
請之牘庭不陳筐篚之遺會甲申春賊寇三原公與
邑令同心協守及城陷公被執賊脅之降公罵曰逆
罪滔天王師將至我死汝不旋踵矣賊怒鋒刃交下

公辭氣益憤激遂斷公舌殺之按臣霍達爲請卹於朝論曰寇禍中秦最烈然死義者亦最衆云與公同死者公兄原任宣府巡撫焦源清百計脅降不受僞職卒遭凌辱以死原任吏部尚書南師仲原任禮部主事南居業原任山東巡按御史王道純誥封副都御史朱嘗德宗室舉人朱誼泉而歿於其職者商州道臣黃世清也其破慶陽則歿義者守道段復興知府董璇鄉官原任太常寺少卿麻禧等也破榆林則死

義者道臣都任合門雉經原任總兵尤世威力任城守城陷後舉家百口付之烈焰身冲鋒刃戰死街心而原任總兵侯世祿候拱極王學書王世欽王世國李昌期原任副將尤翟文常懷德李登龍張發楊明原任遊擊孫貴龍養崑原任守備白慎衡全家叙見任遊擊傅德惠憲潘國臣李國奇晏維新陳二典劉芳馨劉廷杰文侯國見任守備尤勉惠漸賀天雷楊以偉掌印指揮李文燦則與世威同誓死守臨難不屈者也其破省城則巡撫馮師孔按察使黃紆

長安知縣吳從義。渭南知縣楊暄。蒲城知縣朱一統。皆不屈死。而鄉紳則原任磁州道祝萬齡。聞賊破城。深衣大帶。至關中書院。斯道中天閣下。哭拜宣聖。從容自縊者也。中部知縣朱新鏢。自知城守不支。先令妻妾自縊。一妾尚未配合。新鏢叱令去。妾不可垂泣。甘縊。然後新鏢亦從容縊。其殉義最烈者乎。諸公疾風勁草。後先濟濟。直以國祚淪亡。雖經題請。未及表章。而又生平事蹟。不皆可考。不得盡爲列傳。統附著名於後。南太宰則素以老成清執名。祝大參以知府

忤逆瑞爲邪黨。劾罷王侍御。按東省。值登萊兵變。不肯主撫。與中朝異議。持論侃侃。焦公諫艸尤傳天下。故予得詳論之。秦地稱山河百二。讀無衣。小戎諸賦。猶想見慷慨激烈之槩。生斯地。與官斯土者。被其風氣。大節著焉。雖謂與華峰比高。涇水比紫。可也。嗚呼。此

黃太常傳

公諱綱字季侯河南光州人也少負氣節方正自持
 弱冠蜚聲庠序間便力以天下為己任與天下未進
 士衮並擅機雲之譽中天啓壬戌進士授南宮知
 縣以循良稱五年考最授兵部主事旋改禮部以抗
 疏言朋黨不報出為紹興知府盜魁禁贖鍰懲豪
 猾革火耗一時刑獄賴以平反旋丁艱歸會賊寇光
 州公廬墓入山僅以身免長子諸生彝如率家僮巷
 戰罵賊致戮妹黃氏亦遇害丁丑陞公臨鞏兵備副

使建番漢合剿之策。大敗賊於河。督師洪公承。其功特疏題薦。尋轉洮岷叅政。宜慰番夷。左。于威服其義。壬午。陞按察使。清介自矢。以身許國。及癸未。寇大舉破潼關。公義不受辱。赴井死之。夫人王氏。同殉。巡按御史金毓峒。監軍御史霍達。聞于朝。上以忠烈可嘉。下部卹。日從優議。卹覆上。贈公太常寺正。庶孫恂入監讀書。恂有文行人稱。君子不媿忠烈。云。

論曰。公于臨鞏奏番漢合剿之奇功。于洮岷。其。交綏之茂績。豈非一代經才乎。不遺大夏。將傾一木。難。王以。身。共。以。充。公。而非。才。不。克。奏。廓。清。之。烈。也。王。子。大。婦。一。門。盡。節。死。如。飴。雖。趙。漢。卿。卞。望。之。翁。武。廷。焉。淵。忠。在。一。身。有。哉。

王御史傳

附子士和等

公名與胤字百斯一字永錫山東新城人布政丞晉
之仲子也崇禎戊辰進士選庶吉士授湖廣道監察
御史巡按河東鹽課陝西茶馬督學應天未出都以
疏劾債帥忤政府謫歸歸侍布政公家居色養率諸
弟子輩治圃課耕蕭然物外十七年三月聞先帝
變涕泣不食辭父布政公沐浴入室扃戶與夫人子
氏子士和同自縊死將死時自作墓銘叙其家世官
職甚詳士和字允協諸生先是新城崇禎中凡再破

其前則五年十一月而公之從叔父象復及其子與夔死之象復字完初以保定府同知里居與夔字風虞舉人聞變倉卒部勒家人乘城拒之城陷父子皆被執大罵不屈見殺事聞贈象復光祿寺少卿與夔知縣其後則十五年十二月而公之弟與朋從弟與玫及與朋子士熊士雅死之與玫字文玉與朋字壽二俱貢士熊字渭濱舉人士雅字大雅諸生與朋爲人慷慨有風烈每平居酒酣耳熱輒談古忠義事淋漓感激及警至簡家丁登埤禦守並有方畧城陷被

執二子率家丁救之亦被執不屈死而象復之從子與慧者嘗五年破城時守其父柩不肯去亂兵脅之跪不屈斫之傷首執以見其渠曰孝子也免之歸項之縱火焚城中且及孝子廬孝子伏柩而哭其黨見憐之爲斷火道得免賊旣退孝子行積屍中求得叔父及兄斂之于是人翕然稱孝子云孝子字僧眼貢士

論曰山東科第人物之盛莫有過于新城王氏者乃其忠孝節烈萃于一門此固史冊所僅見足以表東

海矣。嗚呼！公以科名重也。夫抑以忠節重也。夫



